



## Publicaziuns dalla vischnaunca, jamna 40

### **Elecziuns communalas 2012 Discussiun al podium**

En connex cun las elecziuns communalas dils 28 d'october 2012 vegn organisau ina discussiun al podium cun ils dus candidats ufficials pil presidi communal Francestg Cajacob e Linus Fry.

**Cu: Venderdis, ils 19 d'october 2012 allas 20.00**

Nua: Halla Cons, Disentis/Mustér

Moderaziun: Hans Huonder, redactor

Il moderatur presenta ils dus candidats e meina cun els ina discussiun. Silsunter vegn dau la pusseivladad da tschentar damondas.

Cordial invit a tuttas votantas e votants

*Gruppa preparatoria per las elecziuns communalas*

---

### **Taxa da cumpensaziun da pumpiers 2012**

Tenor art. 12 dalla lescha da pumpiers dalla vischnaunca da Mustér ein students ed emprendists deliberai dil survetsch activ da pumpiers sco era dalla taxa da cumpensaziun.

Nus fagein attents tut ils students ed emprendists sur 20 onns d'inoltrar a scret ina confirmaziun actuala dalla scola ni digl emprendissadi. Il mussament ei da tarmetter entochen **venderdis, ils 12 d'october 2012** all'administraziun communal, caum postal 57, 7180 Disentis/Mustér ni per e-mail ([gberther@disentis.ch](mailto:gberther@disentis.ch)). Mo cun ina confirmaziun a scret sa la deliberaziun vegnir risguardada.

Gia ordavon grond engraziament per las breigias.

*Administraziun communal Disentis/Mustér*

---

### **Seivs mobilas per la pasculaziun**

Tenor art. 75, al. 1 dalla lescha da baghegiar ston seivs mobilas vegnir allontanadas immediat suenter la pasculaziun. En quei senn ston tuttas seivs per la pasculaziun vegnir allontanadas **vegnir allontanadas**

**immediat suenter che la pasculaziun ei finida.** Quei vala era per seivs da gatter.

Igl unviern vargau ein differentas seivs buca vegnidas allontanadas. En connex cun talas seivs ein capitai differents accidents cun animals selvadis. Tals accidents san vegnir evitai. Pigl atun proxim vegnan ils organs da catscha e la vischnaunca a menar atras controllas, schebein quellas seivs ein vegnidas allontanadas. Las seivs

ch'ei buca vegnidas allontanadas vegnan a vegnir allontanadas senza avisar ils pertuccai sin donn e cuost dil proprietari da terren. Nus supplichein da prender enonuschientscha.

*Suprastonza communal*

---

### **Midada d'adresa enteifer vischnaunca**

Tgi che mida casa enteifer la vischnaunca ei obligaus d'annunziar la nova adresa all'administraziun communal enteifer 8 dis.

*Controlla da habitonts Disentis/Mustér*

---



### Purschida gratuita

La vischnaunca da Mustér porscha a ses habitonts la pusseviltad da visitar gratuitamein la Casa da traffic a Lucerna, [www.verkehrshaus.ch](http://www.verkehrshaus.ch). Al spurtegl dall'administraziun communal sa per **mintga di** digl onn vegnir retratg **5 entradas gratuitas**. En quella purschida ei cunteniu:

- entrada gratuita ella Casa da traffic a Lucerna cun museum, planetarium, museum da Hans Erni
- teater da film IMAX per in prezi special (frs. 4.– reduzioni)
- 10% rabat sin artechels ella stizun dil museum

Co fuss ei da far inagada in'excursiun a Lucerna, forsa gest cun nezegiar la carta dil di per viagiari cun quasi tut ils mieds da traffic publics en Svizra? Dapli informaziuns retscheveis Vus tier l'administraziun communal Mustér (telefon 081 920 36 36 ni e-mail: [admin@disentis.ch](mailto:admin@disentis.ch)).

Nus giavischein ina nunemblideivla aventura el museum il pli frequentau en Svizra.

*Suprastonza communal*

---

### Controlla da habitonts Naschientscha

Brazinha da Costa Igor, naschius ils 19 da settember 2012, fegl da Fernandes da Costa Jorge e Nunes Brazinha Telma Sofia.

---

### Clom d'urgenza 118

Preziadas vischinas, prezias vischins Onn per onn dat ei cass en nies cantun nua ch'ils pumpiers vegnan clamai memia tard sil plaz da seracass. Savens emprovan habitonts e habitonts da cuntoscher pumpiers ch'els enconuschan via telefon privat. Il temps che va aschia a piarder ha ils davos dus onns caschunau la veta a duas personas el Grischun! Plinavon daventan ils donns cun mintga minuta spiarsa pli gronds. Perquei s'adressein nus a Vus cun ina ferventa supplica: **clamei ils pumpiers mo sur il clom d'urgenza 118**. Era sche Vus veis mo in pign problem sa il polizist che pren encunter Vies telefon reagir aschia che mo ina pintga gruppa d'agid ni singulas personas vegnan clamadas. Ulteriuras informaziuns era davart la prevenziun anfleis Vus sin nossa pagina [www.pumpiers-sursassiala.ch](http://www.pumpiers-sursassiala.ch).

Engraziel per Vies sustegn!  
*Vos pumpiers Sursassiala*

---

### Cuors dalla Pro Senectute: Handy practice

In cuors per personas che vulan sesurviri bein dil handy (telefonin). Nus telefonein, emprendin d'enconuscher las funcziuns dil menu ed arcunein numeras da telefon. (Fagei aschi bien e communicheis tier l'annunzia la marca ed il tip da Vies handy.) Quell'occorrenza sedrezza a personas da 60 onns ensi.

Menadra: Pia Dermon, Repower AG, Mustér

Datum: mardis, ils 23 d'october 2012

Temps: 14.00–16.15

Liug: Casa sogn Gions, Via Cons 11, Mustér

Annunzia: tochen gliendisdis, ils 8 d'october 2012 tier Pro Senectute Grischun, Alexanderstrasse 2, 7000 Cuera, tel. 0844 850 844 (tariffa locala).

---



### **Pro-Senectute-Kurs: Handy praktisch**

Ein Kurs für Leute, die ihr Handy sicher bedienen wollen: wir telefonieren, lernen die Menüfunktionen kennen und speichern Telefonnummern. (Bitte teilen Sie uns bei der Anmeldung Marke und Typ Ihres Handys mit.) Dieser Anlass richtet sich an Personen ab 60 Jahren.

Leitung: Pia Dermon, Repower AG, Disentis

Datum: Dienstag, 23. Oktober 2012

Zeit: 14.00–16.15 Uhr

Ort: Altersheim Sogn Gions

Via Cons 11, Disentis

Anmeldung: bis Montag, 8. Oktober 2012, bei Pro Senectute Graubünden, Alexanderstrasse 2, 7000 Chur,

Tel. 0844 850 844 (Lokaltarif).

---

### **Colonna d'agid Mustér Cuors da reiver per affons**

Gia dapi biars onns oganisescha la Colonna d'agid Mustér mintga stad cuors da reiver per affons. Per dar era igl atun la pusseivladad da trenar da reiver vegn organisau durant 9 mesjamnas sera in cuors da reiver per affons dalla 2. entochen 4. classa.

Liug: halla da reiver el Center da sport e cultura, Mustér

Entschatta: mesjamna, ils 24-10-2012 2. entochen 4. classa, 17.15–18.45

Menaders: commembers dalla Colonna d'agid Mustér cun brevet giuventetgna + sport

Annunzias: Entochen **gliendisdis, ils 22-10-2012** alla Colonna d'agid Mustér, Andri Hendry (tel. 081 947 62 02 ni e-mail: fam.hendry@bluewin.ch)

Segirada ei caussa da mintga participont/a.

Grazia al schenghetg da Nadal dalla Banca Raiffeisen Cadi ei il cuors d'uonn gratuits.

*Colonna d'agid Mustér*

---

### **Club d'unihoc Desertina Bulls Trenaments per juniors/as e kids**

Suenter las vacanzas d'atun entschevein nus culs trenaments per in e scadin che ha plascher dil sport d'unihoc. Quels cuozan entochen las vacanzas da primavera.

*Entschatta:*

juniors e junioras: mardis, ils 23-10-2012

kids: mesjamna, ils 24-10-2012

*Trenaments:*

juniors: mintga mardis dallas 18.00–19.30

junioras: mintga mardis dallas 18.15–19.30

kids: mintga mesjamna dallas 18.15–19.45

*Prender part:*

juniors: buobs dallas annadas 1997–1999

junioras: buobas dallas annadas 1997–2001

kids: buobs dallas annadas 2000–2005

buobas dallas annadas 2002–2005

*Liug:* halla dil center da sport Mustér

*Annunzias:* Flavio Steger (tel. 076 477 40 41) ni e-mail: juniors@desertinabulls.ch.

Ei fagess plascher d'astgar beneventar biars affons plein motivaziun a nos trenaments!

*Club d'unihoc Desertina Bulls*



### Uniun samaritana Mustér

Nies proxim exercezi meinsil ha liug: **Gliendisdis, ils 8 d'october 2012 allas 19.30 en casa da scola, Cons.**

A stedia participaziun selegra  
*la presidenta*

---

### Mummas cun affons pigns Mustér

Cuors «Wohltuende und heilsame Wickel» cun Elisabeth Fischbacher el Center Aua Viva **gliendisdis, ils 29 d'october 2012** allas 19.30.

Annunzias entochen ils 25 d'october pren Manuela Venzin, tel. 081 936 40 25 ni 079 482 80 10 bugen encunter.

*Mummas cun affons pigns*

---

### Sera da troccas a Mustér

Nus lein puspei envidar ad ina sera da troccas per in e scadin. L'emprema sera ha liug **mardis, ils 23 d'october 2012** allas 19.00 el hotel «La Furca». Era novizs che vulan emprender da dar troccas ein cordialmein beinvegni.

Cordialmein envidan  
*Gion Michel Flepp, Marco e Romeo Schmed*

---

### Fiera medelina

Mira sut Medel/Lucmagn.

---

### Uniun da tratga da biestga Cadi

**Exposiziun da genetschas** mira sut Breil.